



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 176, Datë 04.11.2020

“MBI

LICENCIMIN E SHOQËRISË “KOKA & ERGI ENERGY STAVEC” SH.P.K., NË  
VEPRIMTARINË E PRODHIMIT TË ENERGJISË ELEKTRIKE NGA HEC “STAVEC”  
ME KAPACITET TË INSTALUAR 6520 KW”.

Në mbështetje të nenit 16 dhe nenit 37, pika 2 gërma “a” të Ligjit nr. 43/2015 “Për sektorin e energjisë elektrike” i ndryshuar, nenit 4, pika 1, gërma “a”, nenit 5, pika 1 gërma “a”, dhe nenit 13 të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, të miratuar me vendimin e bordit të ERE-s, nr. 109, datë 29.06.2016, i ndryshuar, si dhe nenit 15 të “Rregullores së organizimit, funksionimit dhe procedurave të ERE-s”, miratuar me vendimin e bordit të ERE nr. 96, datë 17.06.2016, Bordi i Entit Rregullator të Energjisë (E.R.E), në mbledhjen e tij të datës 04.11.2020, mbasi shqyrtoi relacionin nr. 116/5 prot, datë 29.10.2020, të Drejtorisë së Licencimit, Autorizimeve dhe Mbikqyrjes, mbi aplikimin e shoqërisë “Koka & Ergi Energy Stavec” sh.p.k., për licencim në veprimtarinë e prodhimit të energjisë elektrike,

**Konstatoi se:**

- Shoqëria “Koka & Ergi Energy Stavec” sh.p.k. me shkresën e protokolluar në ERE me nr. 976 Prot, datë 16.07.2020, ka paraqitur kërkesën për licencim në veprimtarinë e prodhimit të energjisë elektrike.
- Bordi i ERE-s me vendimin nr. 143, datë 28.08.2020, filloi procedurën për licencimin e shoqërisë “Koka & Ergi Energy Stavec” sh.p.k. në veprimtarinë e prodhimit të energjisë elektrike.
- Në vijim të kësaj vendimmarrje u krye njoftimi në median e shkruar me shkresën nr. 62/26 prot, datë 28.08.2020, dhe në përfundim të afatit të përcaktuar në nenin 10, pika 11, të “Rregullores për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e energjisë elektrike”, e ndryshuar, nuk rezultoi të ketë vërejtje apo ankesa nga palët e treta, lidhur me aplikimin e bërë nga shoqëria “Koka & Ergi Energy Stavec” sh.p.k. Me shkresën nr. me nr. 976/1 prot, datë 02.09.2020, shoqëria ka përcjellë në ERE plotësim të pjesshëm të aplikimit të saj. Ndërsa me shkresën nr. 976/2 prot, datë 08.09.2020, ERE i’u drejtua shoqërisë duke i njoftuar fillimin e procedurës dhe kërkoi plotësimin e dokumentacionit të munguar.

- Në rastin e shoqërisë “Koka & Ergi Energy Stavec” sh.p.k., nga llogaritja e afateve rezulton se shoqëria ka humbur 12 vite nga periudha e koncesionit e dhënë në vitin 2008 dhe si e tillë licenca do të jepet për periudhën e mbetur të koncesionit, për 23 vjet.
- Shoqërisë iu kërkua edhe dërgimi i një informacioni në lidhje me zhvillimet e këtij projekti përgjatë periudhës nga nënshkrimi i kontratës së koncesionit deri në aplikimin në ERE.
- Në përgjigje të sa më sipër, shoqëria me shkresën e protokolluar në ERE me nr. 976/4 prot, datë 18.09.2020, ka përcjellë kryesisht dokumentacionin e munguar, por duke qënë se u konstatua sërish mungesë, ERE iu drejtua në rrugë elektronike (e-mail), me shkresën nr. 976/5 prot, datë 15.10.2020, duke i kërkuar plotësimin e tyre.
- Shoqëria me shkresën e protokolluar në ERE ne nr. 976/6 prot, datë 20.10.2020, ka përcjellë dokumentacionin e kërkuar.
- Shoqëria “Koka & Ergi EnergyStavec” sh.p.k., është shoqëri koncesionare e themeluar si detyrim i kontratës së koncesionit dhe është regjistruar pranë QKB-së në datën 27.06.2008, konform Ligjit Nr. 9723, datë 03.05.2007 “Për qendrën kombëtare të biznesit” (QKB) me statusin e Shoqërisë me përgjegjësi të kufizuar (sh.p.k).
- Kontrata nr. 809 Rep, nr. 140 Kol, datë 17.04.2008, “Kontratë koncesioni e formës BOT (Ndërtim – operim - transferim) për ndërtimin e hidrocentralit Stavec”, e lidhur midis METE (sot MIE) dhe koncesionarit “Koka” sh.p.k, ka një afat 35 vjeçar nga data e hyrjes në fuqi të saj.
- Referuar Kontratës, nr. 809 Rep, nr. 140 Kol, datë 17.04.2008, HEC “Stavec” ka një kapacitet prej 6000 kW dhe prodhim energjie rreth 25 620 000 kWh.
- Shoqëria “Koka & Ergi Energy Stavec” sh.p.k., ka paraqitur:
  - Kontrata nr. 809 REP., nr. 140 KOL., datë 17.04.2008, “*Kontratë koncesioni e formës BOT (ndërtim-operim-transferim) për ndërtimin e hidrocentralit Stavec*”, e lidhur midis METE (sot MIE) dhe koncesionarit “KOKA” sh.p.k..
  - Kontratë shtesë Koncesioni me nr. 893 Rep, Nr.765 Kol datë 25.08.2014, për një ndryshim në kontratën e koncesionit të formës BOT (ndërtim-operim-transferim) për ndërtimin e HEC “Stavec”.
  - Kontratë shtesë Koncesioni me nr. 675 Rep, Nr. 224 Kol, datë 06.07.2017, për një ndryshim në kontratën e koncesionit të formës BOT (ndërtim-operim-transferim) për ndërtimin e HEC “Stavec”, e ndryshuar.
  - Kontratë shtesë koncesioni me nr. 2203 Rep, Nr. 150/3 Kol, datë 18.10.2018, për një ndryshim në kontratën e koncesionit të formës BOT (ndërtim-operim-transferim), për ndërtimin e hidrocentralit “Stavec”, e ndryshuar.
- Shoqëria ka depozituar në ERE Raportin e oponencës teknike të projektit:
  - Raportin e Oponencës Teknike me nr. 429 Prot, datë 16.04.2007, të kryer nga AKBN për projektin e HEC “Stavec”.
  - Raportin e oponencës teknike nr. 301/1 prot, datë 17.11.2010, mbi projektin e zbatimit të HEC-it “Stavec”, e cila rezulton të jetë hartuar gati dy vjet pas nënshkrimit të kontratës së koncesionit. Ky raport i OT është kryer nga Instituti i Ndërtimit/departamenti i oponencave, Rregullave

teknike dhe standardeve/MIE. Grupi i OT konkludon se Projekti i zbatimit të HEC “Stavec” ashtu siç është paraqitur nga grupi i projektimit, plotëson kushtet për zbatimin e tij.

- Raportin e oponentit teknik të AKBN-së me nr. 35131 prot, datë 23.11.2015, të miratuar nga Autoriteti kontraktues, ku AKBN shpreh që ndryshimet sipas projektit të zbatimit të pasqyrohen në Kontratë shtesë koncesioni.
- Shoqëria “Koka & Ergi Energy Stavec” sh.p.k., ka përcjellë në ERE Miratimin e pikës së lidhjes për HEC Stavec me nr. 12546/3 prot, datë 19.12.2019, të lëshuar nga OSHEE sh.a..
- Shoqëria me shkresën e protokolluar në ERE me nr. 976/1 prot, datë 02.09.2020, ka paraqitur Lejen e rinovuar për përdorimin e burimit Ujor me nr. 05/1 prot, datë 10.08.2020, miratuar me Vendim të Këshillit të basenit ujor Mat nr. 13 prot, datë 07.08.2020, dhënë për subjektin “Koka & Ergi Energy Stavec” sh.p.k., Shoqëria ka përcjellë në ERE, “Leje mjedisore me nr. 289/11 prot, datë 10.07.2013, me nr. 16 vendimi dhe nr. identifikimi 1318, lëshuar nga Agjencia Kombëtare e Mjedisit për shoqërinë “Koka & Ergi Energy Stavec” sh.p.k., për ndërtimin dhe funksionimin e hidrocentralit me vendodhje në Rrethin Bulqizë, Qarku Dibër.

Nga analiza e dokumentacionit të depozituar në ERE në veprimtarinë e prodhimit të energjisë elektrike, për shoqërinë “Koka & Ergi Energy Stavec” sh.p.k., rezulton se subjekti plotëson kërkesat e “Rregullores për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e energjisë elektrike”, e ndryshuar, si më poshtë:

- Formati dhe dokumentacioni për aplikim. Neni 9, pika 1, gërmat a), b) c). **Plotësuar**
- Dokumentacioni juridik, administrativ dhe pronësor. Neni 9, pika 2, gërmat a), b), c), d), e), f) g). **Plotësuar**
- Dokumentacioni financiar dhe fiskal. Neni 9, pika 3, gërmat a), b), c) d). **Plotësuar**
- Dokumentacioni teknik për HEC-in. Neni 9, pikat 4.1.1; 4.1.2; 4.1.3, gërmat a), b), c), d) dhe pika 4.1.4, gërmat a), b), c), d), e). **Plotësuar.**
- Leje nga institucione të tjera. Neni 9, pika 4.1.5, gërmat a), b), c). **Plotësuar**

Për gjithë sa më sipër cituar, bordi i ERE-s,

#### Vendosi:

1. Të licencojë shoqërinë “Koka & Ergi Energy Stavec” sh.p.k., në veprimtarinë e prodhimit të energjisë elektrike nga HEC “Stavec” me kapacitet të instaluar 6520 kW, për një afat 23 - vjeçar.
2. Shoqëria “Koka & Ergi Energy Stavec” sh.p.k. të bëjë me dije ERE-n mbi ecurinë e procesit të aplikimit për rinovim në çdo rast aplikimi, si dhe të depozitojë në ERE çdo dokument/leje që i nënshtrohet procedurës së rinovimit, jo më vonë se 1 muaj pas rinovimit të tyre.
3. Me plotësimin e afatit dhe kushteve të parashikuara në pikën 2 të këtij vendimi ERE rezervon të drejtën e rishikimit të këtij vendimi.

4. Drejtoria e Licencimit, Autorizimeve dhe Mbikëqyrjes, të njoftojë aplikuesin për vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brënda 7 ditëve kalendarike si dhe mund të bëhet ankim në Gjykatën Administrative Tiranë, brënda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI I ERE**

**Petrit AHMETI**